





IN FVNERE  
MI  
SER. D. D. VINCENTII  
GONZAGÆ  
MANTVÆ, AC MONTISFERRATI  
DVCIS

ORATIO.

HABITA AB ILL.<sup>MO</sup> D. COM: LVDOVICO

*Chieppio, eiusdem Celsitudinis intimo  
Cubiculario.*



---

MANTVÆ, Apud Osannas fratres, Ducales Impressores, 1628.  
*Superiorum permisso.*

THE  
SIR JOHN  
COLEMAN  
MARTIN & CO. LTD.  
LONDON

ORANGE  
BANKS & CO. LTD.  
LONDON



Printed by the  
LONDON



# ORATIO.



I exundanti mœrori, Augustissime Dux, Serenissime Princeps, Auditores ornatissimi, æquæ mihi adflueret eloquentiæ copia, dubitarem profectò minùs quàm & extremis erga Serenissimum VINCENTIVM Mantuæ Ducem obsequijs pio luctu consulere, & debitarum optimo Principi laudum pari voto prosequerer encomia. Verùm quia obortæ lacrimæ vocis eneruant vires, ijsque paulatim incrementibus orandi plurimùm imminuitur facultas, summæ saltem, quod vnum licet, obseruantia adscribendum crediderim, si quæ ad tanti Principis funus celebrandum lectissimorum verborum, optimarumque sententiarum non suppetunt ornamenta iustissimi doloris impendio persoluantur. Cum præcipuè meminerim Histrionem illum, qui in Sophocleis proscenijs filij cineres gestavit fletu sibi natura concesso animos altius inuasisse, quàm si vllò artis lenocinio spectantium aures permulisset. Principibus Viris olim id honoris habitum

bitum audiui, qui in ipso funebris pompæ apparatu satis luculenter laudati postridiè obitus sui ab hominum memoria, quemadmodum ex Orbis huius aura euanuere; At Serenissimus noster VINCENTIVS, quis dixerit immisso gemitu linguam meam obtundere, vt omnium vestrûm animos in sui desiderium perenni exacuat recordatione? Respuit fortasse disertas mortis querelas, qui moriendo nominis sui vitam pluribus nominibus instaurauit, nec verbis fulciri studet, qui tot rerum gestarum innititur monumentis. Quod vero amplissimum hoc Theatrum suggestu perspicuum excelso, pullis atratum tegumentis, micantibus collustratum luminibus, varijs distinctum schematibus, ac tanta demum Ciuium frequentia refertissimum conspicamini; neq; illum iccirco rebus hisce putetis posthumi honoris famam commendasse. Quid enim constructa Capitolia, quid spiranti ex marmore sculpti Colossi, quid æra tam mira arte elaborata, quàm graui mole laborantia proprijs tandem aliquando obruta ruderibus, nisi temporis edacissimi testantur Tyrannidem? Cordis eligit prudentissimus Princeps tumulum non Mausolæi, Artemisæ deponit pietatem non ædificij præstantiam, mæroris excipit officia, & si orationis non contemnit obsequium. Hæc sint, vt inquit ille, in subditorum

5

animis Principi templa erecta, hæ pulcherrimæ  
effigies, & mansuræ, nam quæ saxo struuntur, si iu-  
diciū posterorū in odium vertit, pro sepulchris  
spernuntur. Tu, qui mihi hodierna luce præsen-  
tissimum Numen adesse sentio eò aure propen-  
sius, quò folio sublimius, vel adfectū pectus eno-  
da, vt orantis pro dignitate tanti confessus subeā  
munus, vel ijs omnino lacrimarum imbribus ocu-  
los irrorā, vt maximam, quam de te fecimus ia-  
cturam, abundè satis queam complorare. Quod  
si vtrunque meritis tuis adhiberi iubes, patere vt  
suspiria faceßant quantum de laudibus tuis cæ-  
ptus sibi sermo vindicauerit. Verum enimverò  
quid prius in eo laudem? Quod Parentem ha-  
buerit non minus longo Auorum Principum or-  
dine clarum, quàm suismet Virtutum titulis præ-  
stantissimum? cui parem nō habuere elapsa tem-  
pora, elapsura frustra desiderabunt. Hinc siqui-  
dem modica illi gloria non redundat, verum cū  
ipse per se satis elucescat, quid paternæ laudis re-  
petuntur elogia? Illud minimè prætereundum,  
quod si aliqua fatorum industria ex Platonico-  
rum sententia mortalibus indita nomina conna-  
scuntur, non nisi VINCENTIUS poterat nuncu-  
pari, quò VINCENTII Genitoris clementiæ, &  
liberalitatis, vt nominis ipsius foret æmulus, & he-  
res, nisi potius id factum contigit, vt eum præ-  
fens



sens ætas non prius summa egregiorum operum  
 fastigia feliciter aggressum cerneret, quàm fau-  
 stissimo appellationis presagio VINCENTEM ve-  
 neraretur; Ex ELEONORAE MEDICEAE pijissi-  
 mæ matris vberibus suxit pietatem, à qua opti-  
 mè educatus, & in his, quæ ad DEI cultum at-  
 tinent instituebatur, & quæ ad suorum vtilitatē,  
 & gloriam populorum, nec amantissimæ Præce-  
 ptricis animum fefellit, qui res consentaneas, at-  
 que mutua ope nixas Religionem, & Pacem pu-  
 blicæ incolumitatis fulcimenta dictitabat, In ea  
 quis VINCENTIO promptior? in hac quis vigi-  
 lantior? Erga Beatissimam Dei Virginem Ma-  
 trem tanto flagrauit spiritu VINCENTIVS, vt  
 antelucanis horis ex eius laudibus nitidiorem  
 longè auspicaretur diem, quàm ex ipso orientis  
 Solis coruscanti splendore, Ad tutissimum ipsius  
 Asylum terq; , quaterq; in grauioribus vitæ peri-  
 culis confugit, vbi receptus, ac valetudini resti-  
 tutus sæpius quincto ab Vrbe lapide ad augustis-  
 simum eius Gratiarum templum, semel ad Laure-  
 ranas Aedes se contulit, concepta vota pijssimè  
 soluit, regijs vtrumquè locum muneribus auxit.  
 O pietatem Principis incredibilem! Societatem  
 multis ab hinc annis sub mortis titulo institutam  
 in protectionem accepit, & si quando statis ma-  
 ioris hebdomadæ diebus publicè à sodalibus fue-



rat prodeundum nunquam ab alio insigne Crucis vexillum gestari est passus, nempè quod corde intus ferebat externo profitebatur exemplo. Eleemosinæ in mensem singulum auctiora destinavit stipendia, id thesauris suis adquiri putans, quod in Christi pauperes erogaret. Sancti Pauli decollati Clericos in Ciuitatem nuper admiserat, quibus etiam magnificentissimum Coenobiū iusserat fabricari, & fecisset profectò, vt alia plura, nisi ad visendum constructum sibi in Cœlestium deliciarum loco longe pulchrius edificiū festinasset. Ceterum sic pacis cultor fuit, vt armorum Disciplinam non adspernaretur; Primū Militiæ Tyrocinium in Insubris bellis posuit, vbi tam strenue se gessit, vt ex Vercelleni obsidione adorem in primis memorabilem reportarit, Vnde non immeritò, & Italis eum præfecit Copijs Catholicus Hispaniarum Rex, & munifico censu exantlatos labores compensauit; Eam nihilominus otij dulcedinem, qua Maiores sui Populorum animos in GONZAGIACI nominis deuotionem pellexerant, totis viribus conatus est conseruare, adminiculo præsertim Iustitiæ, quam prudenter adeo singulis ministrabat, siue præmijs virtutem honestaret, siue pœnis vitia vlcersceretur, vt vniuerso Terrarum Orbi ne dum vni angulo iura suo dare potuisset arbitrio, quo tamen

men non vsq; fretus selectissimum, & integritate, & sapientia Ministrorum ordinem quotidie consulebat, nequicquam sibi sapere permittens, quod ijs prægustatoribus ante placitum, probatumque non fuisset. Gestit animus ad maiora transcendere, piget maxima præterire, nisi pro maximis ea à vobis habeantur, quæ de Principis huius liberalitate subnectam, cui familiare fuit non ad accipientis conditione metiri beneficia, sed ad largientis magnitudine. Alexander ille, cui res actæ, & auctæ magni cognomentum dedere à nemine munificetia superatum se iactitabat, præclare dictum, si virtutis indolem non vitiaffet ambitio. VINCENTII præclarior ingenuitas, qua cui aliquid debuit se ei plurimum velle debere gloriabatur. Non aliunde auspicatissimum Imperij sui regimen exordiri voluit, quam ex iustissima in Populos suos liberalitate, non aliunde omnium animos sibi deuincire. Huius rei testes sunt exteri Principes in Vrbe hac nostra regium in morem excepti, Testes eorum Legati, qui in ipsa Regni ineuntis gratulatione non tanta lætitia oppleti ex remotioribus Europæ partibus confluebant, quanta reuertebantur acceptorum munerum obligatione cumulati. Nec minora Virtutis huius specimina, bis in Germaniam susceptis itineribus antea demonstrauerat, quaquā  
enim

enim ab eo cōmeandū fuerat clementissimi expectatione excipiebatur, munificentissimi adplausu discedebat. In postrema profectiōe, qua ELEONORAE GONZAGAE fratrem se gessit amantissimū, & Comitem præbuit vigilantissimū, nec Cæsar muneribus eius non capi potuit; sicuti nanq; ceteris Aulæ Proceribus, & Ministris auri, argenti, gemmarumq; ingentem impertiuerat copiam Imperatorem quoque ipsum. Sororis Augustissimæ, ac pulcherrimæ Virginis connubio in æternam locupletauit felicitatem. Quod laudis superest sibi vindicat VINCENTII prudentia, qua vt viuens Ciuium suorum flexit habenas, ita iam morti proximus moderatoribus optimis tradere non est oblitus. Te CAROLVM arctiori sibi sanguinis necessitudine coniunctum, quem exoptatum Principem in præsentia veneramur successorem maximè expetiuit, certo certius habens, eum, qui nutantis regni columen toties se exhibuit, Basem quoque populorum suorum tranquillitati firmissimam extitutum. Hoc age Inuictissime Princeps, bellorum decorum puluerem absterge, & Martis emeritus stipendijs Mineruæ oleam, ne dedigneris complecti; Non amplius est, quod vigilum stipatu, sed quod subditorum tuorum deditissimis animis nestoreos in annos securus conquiescas. Quæ discordiæ germina



fatalem Italiae toti armorum segetem portende-  
 bant MARIAE GONZAGAE cū filio tuo celebra-  
 tae nuptiae succiderunt, Ita factum est, vt ex duo-  
 rum consensu Orbis vniuersi dissensiones in per-  
 petuam pacem coalescant. Hæc tamen à VIN-  
 CENTIO præuisa sunt, hæc vel in ipso vitæ di-  
 scrimine consultius maturata, cuius quidem cle-  
 mentiam, & benignitatem non sine turpi omise-  
 rim dissimulatione. Ea enim comitate, & animi  
 mores, & corporis motus inoffensa semper ma-  
 iestatis grauitate condijt, vt constantia, & for-  
 titudine stabiliuit. Nullo fortunæ afflatu tolle-  
 batur, quo insolesceret, nullo deprimebatur in-  
 cursu, quo consternaretur. Potuerunt membra  
 tabescere collidi non potuit patientia, quæ eò  
 firmior extitit, quòd diuinitus illi datam omnes  
 arbitrantur. Morbi genus detestabile eo sæui-  
 tiæ deuenerat, vt crucis totius marcescentis car-  
 nem, & ignitis laminibus perfrixari, & exacutis  
 nouaculis concidi oporteret, ne totus inuaden-  
 tis luis contagio corripereetur; Ipse tamen, nec  
 animo minimùm perturbatus corporis sui cru-  
 ciatum, ni veriùs dixerim lanienam auide intue-  
 batur, & pro verbis quibus animi ægritudinem  
 lenire saltem fas erat Augustini sententiam sæ-  
 piùs repetebat, *Hic cure, hic sece, ne in aeternum  
 peream*. O inauditam fortitudinem! ò constan-  
 tiam

tiam commendabilem ! Non satis habuit aureo diademate in terris exornari, nisi in Astris hac pene martyrij corona insigniretur. Laborabat potius, quòd sibi gloriæ gaudia videbantur differri, quàm quòd corporis valetudine destitueretur. Vidi ego, vidi hisce oculis eum in ipso mortis agone, cum inimicis luctantem, quoniam ab ipsorum versutia non vsque tutum se dubitabat, fune, qua in Sancti FRANCISCI obsequium defunctus præcingi voluit manu arrepta collum quasi monili aliquo communisse, & exinde veluti si ab hostibus luculentam retulisset victoriam, IESVM millies, quo poterat modo pronūciasse, sic fēlix anima cum Sanctissimo IESV nomine emissa, ad IESVM conuolauit. Sed tardiuscule aduerto, arduo nimis me in negotio periclitatum, qui maximi Principis laudes aggressus ad viuum exprimere vix umbratili stylo vobis representauī. Illud nihilominus me recreat, quod si gypsatis in parua tabella gyris immēsi orbium ambitus captui nostro coartantur, ex vngue, & planta, quæ vtinam à me graphicè, sapienterq; forent delineatæ, Leo, & Hercules à prudentia, & eruditione vestra possent coniectari.





# VINCENTIO GONZAGÆ GLORIOSISS. PRINCIPI SVO

VRBES.

MANTVA.

**M**INCIVS auratis modo qui fulgebat arenis,  
Cui laurus cinxit non levis alga caput.  
Principe te rursum priscos aluisset olores,  
Plaudere Virtuti vox quibus una tua.  
Augusti sed lata noui dum regna parantur,  
Non timuit faustos mors temerare dies.  
Optatis subiit fertis inuisa Cupressus,  
Proq; auro lacrimas mollior urna dedit.  
Soluntur luctu celebrari digna triumpho,  
Non olor illa canit, sed dolor ista capit.

CASALE.

**A**GGERE si cingor, spes concidit irrita Valli,  
Milite si tutor, militis ausa ruunt.  
Cum Duce destituar, cuius vel roboris aura  
Hostiles potuit, perdomuisse minas.  
Sed VINCENTIS adhuc fiducia nominis una  
In nullos superest interitura dies.  
Fortis Alexandri quondam quoq; territa plausu  
Sic inimica phalanx vilia terga dedit.  
Quid verear? me fata volunt seruauer illo  
Nomine, quod Numen Posteritatis erit.

ALBA



## ALBA POMPEIA.

**E**XIGVAM posuit Magnus me Conditor Urbem;  
Sorte sed ingenti fata dedere frui;  
Gratia prompta Ducum fuit, & mihi bellica Virtus  
Et clarum omnigenis Artibus ingenium;  
ALBA vocor, non digna prius magis Alba vocari,  
Quàm cum VINCENTI iura benigna tali.  
Inuida sed renuit fortuna, & nomine verso  
In lacrimas voluit gaudia versa fluant.  
Ille etenim splendet radiatis ALBVS in aëstris,  
Ipsa ego dum pompam funeris ATRA paro.

## VRBS AQVENSIS.

**P**OST diras belli clades, & iurgia Martis  
Excidio vixi posthuma facta meo.  
Spes tamen hac nostris affulsit lata ruinis,  
Te Duce, quod reduci pace beanda forem.  
Tardius emerito tibi si patuisset Olympus,  
Fluxissent missa nec per inane preces.  
Sic sperata quies, & Gentis splendor Auita,  
Sic decus Imperij te moriente perit  
O rerum inconstans, ò gloria fluxa! fluentes  
Quam bene dant ipsum nomen, & omen AQVAE.

FINIS.













XXX  
SPECIAL  
94-B10062

